



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԳԵՂԱՐՔՈՒՆԻՔԻ ՄԱՐԶՊԵՏ  
ՈՐՈՇՈՒՄ**

N 107 - Ա  
04 հուլիսի 2013 թ

**ՄԱՐԶԻ ԼՃԱՇԵՆ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ ՂԵԿԱՎԱՐԻ  
ԳՈՐԾՈՒՆԵՈՒԹՅԱՆ ՎԱՐՉԱԿԱՆ ԵՎ ՖԻՆԱՆՍԱԿԱՆ ՀՍԿՈՂՈՒԹՅԱՆ  
ԱՐԴՅՈՒՆՔՆԵՐԻ ՄԱՍԻՆ**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77<sup>1</sup>, 77<sup>2</sup>, և 77<sup>3</sup> հոդվածների և Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6-րդ կետի դրույթներով

**որոշում եմ՝**

1. Առաջարկել մարզի Լճաշեն համայնքի ղեկավարին՝
  - 1) Խիստ ուշադրություն դարձնել համայնքի քյուլջեով նախատեսված հարկերի գանձման աշխատանքներին:
  - 2) Հաշվապահական հաշվառումը իրականացնել «Հաշվապահական հաշվառման մասին» ՀՀ օրենքի 17-րդ հոդվածի պահանջներին համապատասխան:
  - 3) Գյուղատնտեսական նշանակության դեռևս չվարձակալված հողամասերը վարձակալությամբ տրամադրելու համար Հայաստանի Հանրապետություն օրաթերթում տալ հայտարարություն:
  - 4) Համայնքի վարչական սահմաններում ընդգրկված համայնքային և պետական սեփականություն հանդիսացող արոտավայրերի օգտագործումը համապատասխանեցնել Հայաստանի Հանրապետության կառավարության 2010թ-ի հոկտեմբերի 28-ի N 1477-Ն որոշման պահանջներին:
  - 5) Ապահովել «Տեղական ինքնակառավարման մասին» ՀՀ օրենքի 34-րդ հոդվածի պահանջները:
  - 6) քաղաքաշինական գործառույթների բացթողումները շտկելու համար և հետևողական լինել քաղաքաշինական գործառույթների իրականացմանը:
  - 7) Առևտրի և ծառայությունների բնագավառում հսկողություն իրականացնել "Առևտրի և ծառայությունների մասին" ՀՀ օրենքի 17<sup>1</sup> հոդվածի պահանջներին համապատասխան.

- 8) Համայնքի ղեկավարի կողմից առևտրի և ծառայությունների ոլորտում իրականացված հսկողության արդյունքների վերաբերյալ մարզպետարան ներկայացնել հաշվետվություն "Առևտրի և ծառայությունների մասին" ՀՀ օրենքի 17 հոդվածի 2-րդ կետի պահանջներին համապատասխան:
- 9) Համայնքի ավագանու նիստերն հրավիրել „Տեղական ինքնակառավարման մասին,, Հայաստանի Հանրապետության օրենքի 11-րդ հոդվածի դրույթներով սահմանված կարգով և ժամկետներում:
- 10) „Տեղական ինքնակառավարման մասին,, Հայաստանի Հանրապետության օրենքի 32-րդ հոդվածի 2<sup>1</sup> կետի պահանջին համապատասխան գյուղապետի կողմից ընդունվող անհատական իրավական ակտերը երկօրյա ժամկետում տրամադրել համայնքի ավագանու անդամներին:
- 11) Սահմանված կարգով հաստատել և գործողության մեջ դնել գյուղապետարանի աշխատակազմի /նոր խմբագրությամբ/ կանոնադրությունը:
- 12) Հաստատել համայնքի ավագանու և գյուղապետի կողմից քաղաքացիների ընդունելության կազմակերպման կարգը:
- 13) Վարել համայնքի ղեկավարի, ավագանու և համայնքի ղեկավարի աշխատակազմի քարտուղարի կողմից ընդունված իրավական ակտերի 2010-2012թթ. հաշվառման մատյանները:

2. Սույն որոշմամբ ներկայացված առաջարկությունները քննարկել համայնքի ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ հուլիսի 31-ը:

3. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:

4. Սույն որոշումն ուժի մեջ է ստորագրման պահից:

ՄԱՐԶՊԵՏ՝

*Ռ. Գրիգորյան*

Ռ. ԳՐԻԳՈՐՅԱՆ